

Zwei Briefe des Bischofs Johannes von Merseburg an die Universität in Betreff der beiden der Ketzerei angeklagten und verhafteten Studenten Burckard und Johannes Scheff.

Merseburg, 1446 Apr. 20. und 22.

5 Hdschr.: Universitätsbibliothek Leipzig Cod. mscpt. No. 176, fol. 325.

Iohannes von gots gnaden bischoff zcu Merseburg. Unsern fruntlichen grus zcu-
vorn. Werdigen, liben, besundern frunde. Wir zwifeln nicht uch sii wal indechtig
sulliche wyse unde sunderlichen die dann Burckardus unde syn mitkumpan uwer mit-
studenten zcu Lipczk in unsers gnedichen heren von Sachsen rethen unde unsern gein-
10 wertikeit gethan unde gesait han, unde nemlich auch unsern heren unde frunt von
Nuenburg, der des eyn cleger ist berurende dese czweyn studenten, unde dann der rath
zcu Lipczk den wyr iczt darumb vaste gebeten unde empfalen haben gesant hat, also
bitten wyr uch myt vlisse ir wollet in der gnanten studenten bursen unde in andere ende
dii ir das zcu thune habt bestellen, das ire bucher nicht henweg ader abehendig bracht,
15 sunder die behalden werden, die wir dann uch und nemlich uwer eynteil zcu bestin
und uff etliche wyse unde wege disser sache und oirsprunges zcu komen bevelen
wollen. Unde wollet uwer gansen vlis hirinne nicht sparen, unde die sache unde ire
gelegenheit czu herzen zeihen, das wir uch wul czu gleuben. Daz wollen wir umb
uch gerne verschulden begerende uwer antwert. Gegeben zcu Merseburg am mytwochen
20 in den osterheiligen tagen.

Secunda littera. Suprascriptio ut presens.

Unsern fruntlichen grus zcu vor. Werdigen, liben, andechtigen. Es sind vor uns
gewest die ersamen wysen burgermeister und rath zcu Lipczk und hat uns vorbracht,
wie das ir sie umb die zewene studenten Burckardum unde Iohannen Scheff, die sie
25 uns am nesten vorgangen dynstag in der nach her gein Merseburg gesent haben hir-
lichen anlanget inmantet, unde die selbin zewene studenten von in heissheit uch weder
zcu antworten, unde ab ymand kleyde adir sculde zcu in seczen und thun wolde, deme
wollet in uber sie alles rechten helffen unde gehin lassen zc. Also sind vil rede ader
geschreyge vor uns komen, das die selben zewene studenten mannicherleye opinien
30 haben unde von sich sagen die weder den hillighen cristenglauben sind, dorumb wyr sii
vor uns in genwertikeit etlicher unsers gnedigen hern rethe, doctor unde meister uwer
universiteten in das grose collegium han vorbotet lassen, die danne mit uns wal gehort
und vornamen was sie gesat habin. Darumb wir dann am nesten abescheiden zcu
Lipczk uff dem slasse uwer enteil desmals genwertig durch den wyrdigen probist zcu
35 Brandenburg sagen liesen, wir moisten vorbas von unsers amps wegen mit den zewen
reten und die her gen Merseburg brengen lassen. Darumb so haben wir nicht ane rat
den burgermeister und rat zcu Lipczk gebeten uns die zcu antworten, wann wir mit en